



Broj: 07-02-04-24618/23
Sarajevo, 20.12.2023. godine

SKUPŠTINA KANTONA SARAJEVO - ovdje -

PREDMET: Odgovor na zastupničko pitanje zastupnice Danijele Kristić, dostavlja se

Zastupnica u Skupštini Kantona Sarajevo Danijela Kristić, u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), na Osmoj radnoj sjednici Skupštine Kantona Sarajevo održanoj dana 30.05.2023. godine, u okviru tačke Dnevnog reda "Poslanička/zastupnička pitanja, inicijative i odgovori", postavila je zastupničko pitanje:

"Molim Vas da mi odgovorite na sljedeća pitanja vezano za regulisanje pitanja usavršavanja Eco sistema i problema sigurnosti u Kantonu Sarajevo:

- Upravljanje šumskim dobrom
- Pitanje koncesije (podkoncesije) za upravljanje javnim dobrom (šumom i planinskim pašnjacima)
- Upravljanje zaštićenim područjem koncesije za korištenje šumske staze i lovačke, šumarske staze i putevi
- Da li je moguće da se za organizaciju moto susreta odnosno rada off road klubova iznajmi (da na koncesiju odnosno podkoncesiju zemljišta koje je već naplaćeno od koncesionara)."

Odgovor Ministarstva privrede Kantona Sarajevo je sljedeći:

1. Odgovor na pitanje iz tačke 1. ovog akta, koji je sačinjen od strane Sektora za poljoprivredu, vodoprivredu, veterinarstvo i šumarstvo je sljedeći:

Šumama i šumskim zemljištem u državnom vlasništvu na području Kantona Sarajevo gospodari KJP „Sarajevo - šume“ d.o.o. Sarajevo u skladu sa Zakonom o šumama Kantona Sarajevo, podzakonskim propisima, odredbama šumsko privredne osnove i odredbama Ugovora kojim je Ministarstvo prenijelo poslove gospodarenja državnim šumama na Javno preduzeće. Šumama koje su zaštićene u skladu sa Zakonom o zaštiti prirode gospodari Kantonalna javna ustanova za zaštićena prirodna područja Kantona Sarajevo, dok privatnim šumama upravljaju i gospodare njihovi vlasnici u skladu sa Zakonom o šumama Kantona Sarajevo, podzakonskim propisima i odredbama šumsko privredne osnove.

2. Odgovor na pitanje iz tač. 2., 3., i 4. ovog akta, koji je sačinjen od strane Sektora za energetiku, industriju, rudarstvo i prirodne resurse je sljedeći:



U skladu sa članom 13. stav (1) tačka i) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), korištenje prirodnih bogatstava je zajednička nadležnost kantona i Federacije Bosne i Hercegovine. Kada je u pitanju koncesiono pravo, odnosno predmeti koncesije, između Kantona Sarajevo i Federacije Bosne i Hercegovine, ovo pitanje je regulisano Zakonom o koncesijama ("Službene novine Federacije BiH", br. 40/02 i 61/06) i Zakonom o koncesijama ("Službene novine Kantona Sarajevo", br. 27/11, 15/13 i 1/22). U Federaciji Bosne i Hercegovine na snazi je Zakon o koncesijama ("Službene novine Federacije BiH", br. 40/02 i 61/06), a u Kantonu Sarajevo na snazi je Zakon o koncesijama ("Službene novine Kantona Sarajevo", br. 27/11, 15/13 i 1/22). Zakon o koncesijama ("Službene novine Kantona Sarajevo", br. 27/11, 15/13 i 1/22) je u cijelosti usklađen sa Zakonom o koncesijama ("Službene novine Federacije BiH", br. 40/02 i 61/06). Članom 6. stav (1) Zakona o koncesijama ("Službene novine Kantona Sarajevo", br. 27/11, 15/13 i 1/22) precizno, odnosno jasno i nedvosmisleno su propisani predmeti koncesije prema odredbama ovog Zakona o koncesijama, a iz čega je vidljiva činjenica - da korištenje šuma i šumskog zemljišta nije predmet koncesije prema ovom Zakonu o koncesijama. Međutim, članom 3. stav (1) tačka 8) Zakona o koncesijama ("Službene novine Federacije BiH", br. 40/02 i 61/06) propisano je - da je korištenje šuma i šumskog zemljišta predmet koncesije. Dalje, članom 6. stav (1) tačka 7) Zakona o koncesijama ("Službene novine Federacije BiH", br. 40/02 i 61/06) propisano je - da Vlada Federacije odlučuje o dodjeli koncesije za korištenje šuma i šumskog zemljišta. Također, uvidom u ova zastupnička pitanja, primjećeno je da se u istim koristi pojam "podkoncesija", te stoga, ovo Ministarstvo skreće pažnju - da pojam "podkoncesija" ne poznaju propisi koji se odnose na oblast koncesionog prava.

S poštovanjem,



Dostaviti:

1. Naslovu,
2. Vlada Kantona Sarajevo - na znanje,
3. Evidencija,
4. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba